

光緒吉林通志

吉林通志卷九

大事志三

女真始祖函普

原作
指浦

出自新羅奔至阿爾胡無所歸

遂依完顏因而氏焉六十未娶是時酋豪以強凌弱
無有制度函普劈木爲剋如文契約教人舉債生息
勤于耕種者遂至巨富若遇盜竊雞豚狗馬者以桎
梏拘械用柳條笞撻外賠償七倍法令嚴峻果斷不
私由是遠近皆服號爲神明有鄰寨鼻察異酋長姓
結徒姑丹小名聖者貨有室女年四十餘尙未婚遂
以牛馬財用農作之具嫁之于函普後女真眾酋結

盟推爲首領生烏嚕

原作訛
辣魯

繼其父業烏嚕生巴哈

原作伴海
史作跋海

巴哈生綬赫

原作隨闊
史作綬可

自幼習射採生長

而善騎射獵教人燒炭鍊鐵剝木爲器製造舟車種

植五穀建造屋宇稍有上古之風由是鄰近每有不

平皆詣所請遂號貝勒

原作
孛堇

臣伏契丹

北盟會編十
八引神麓記

金史世紀作完顏部賢女年六十情事支離
綬赫事亦不如此詳又此記在修史前故取此

綬赫子舒嚕

原作
石魯

爲人剛毅質直生女直初無書契

約束欲稍立條教諸父部人皆不悅欲坑殺之已就

執叔父錫里庫

原作謝
里忽

曰吾兄子賢人必能承家安

輯部眾奈何反欲害之亟往彎弓注矢射走其黨舒

嚙乃得免由是稍以條教爲治部落寢強遼以特哩

衮

原作惕隱

官之來流水烏蘇展

原作烏薩扎

部殺完顏部人

舒嚙往治大有所獲乃先頒錫里庫時諸部猶循舊

俗不肯用條教舒嚙與族人果布

原作摑保

耀武白山之

青嶺順者撫之否者伐之入於蘇伯

原作蘇濱

扎蘭之地

所至克捷還經佛頁

原作僕薦

水惡其地名時以困憊不

肯止行至古哩

原作姑里

甸得疾迨夜寢於村舍有盜至

海蘭水

原作孩懶

烏陵阿

原作烏林答

部人錫馨

原作石顯

將陰圖

之遂中夜啟行至巴喇濟

原作刺紀

村止焉是夕卒錫

馨與完顏人鄂和

原作忽窩

出邀於路遂奪其柩瓜爾

佳原作部人富呼原作復來襲不及舒嚕之徒告於

佛穆丹原作與瑪奇原作嶺赫伯原作効保村完顏部

蒙克巴圖原作募軍追及與戰始奉柩還時尙未

有文字不知歲月晦朔故莫考年壽修短宏簡錄

子烏古廬原作遼太平元年辛酉歲生自始祖至

此六世矣既長能役屬諸部自白山貢赫原作圖們

原作扎蘭扎卜古倫原作之屬以至五國之長皆

聽命遼之邊民多逃歸之及遼以兵徙圖埒原作烏

舍原作之民亦不肯徙逃而來歸遼使赫嚕原作林

牙將兵來索烏古廬恐遼兵深入得知其山川道路

險易乃以計止之曰恐諸部驚擾變生不測遣戶必
不可得赫魯信之許其自行索取而還時鄰部雖稍
從錫馨尙拒阻不服攻之不克以計告於遼主言錫
馨阻塞鴈路遼主以爲然遣使責讓會春蒐錫馨與
子頗克綽歡原作婆入見遼主乃流錫馨於邊地而
遣頗克綽歡還宏簡錄

遼五國佛爾原作蒲部節度使巴哩美原作拔叛遼遼

將致討烏古鼐恐遼兵深入得其山川險易或將圖
之乃告遼曰彼可計而取也若用兵必將走險非歲
月可平也遼從之烏古鼐入其境因襲而擒之以獻

遼主召視燕賜加等授生女直部族節度使

宋元通鑑

遼人呼節度使爲太師金人稱都太師自此始旣爲

節度使有官屬紀綱漸立前後願附者眾鄂敏

原作幹混

水富察

原作蒲察

部特克新特布

原作神忒保

水完顏部圖們

水温特赫

原作迪痕

部舍音

原作神隱

水完顏部相繼來附

金史
世紀

遼咸雍八年五國穆延

原作沒撚

部蘇頁

原作謝野

貝勒復叛

遼烏古鼐伐之蘇頁敗走巴喇密特

原作里邁

樂烏古

鼐將見遼邊將自陳敗蘇頁之功行次拉林

原作來流水

疾作而卒

宋元通鑑參金史

第二子和哩布

原作効里鉢

遼重熙八年己卯歲生咸雍

十年襲位其從父伯赫

原作跋黑

有異志和哩布慮其爲

變不使將兵但爲部長加意事之伯赫遂誘和諾克

原作桓被薩克達

原作散達

烏春烏木罕

原作爲謀罕

爲亂託以利

哩布買鍛工鄂博台

原作烏不屯

鐵甲爲兵端復問諸部

使相疑貳流言欲生則附於伯赫欲死則附於和哩

布時眾情無以察和哩布乃佯爲具裝欲有所往陰

遣人揚言寇至部眾聞者莫知虛實有保於伯赫之

室者有保於己室者乃盡得兄弟部屬向背彼此之

情間數年烏春來攻舍於阿勒哈

原作阿里鉢

村和諾克

薩克達亦舉兵來遣弟頗拉淑拒之兵敗會烏春解

去乃以偏師涉舍瑁原作舍很水經特克原作貼制水摩多圖

原作婆多吐水至和諾克薩克達所居焚其家殺百許人

和諾克薩克達聞之大會諸部來攻過費摩原作裴滿部

以其附於和哩布也縱火焚之富察部沙津原作沙祗貝

勒呼卜圖原作胡補答貝勒使愛實原作阿喜來告難和哩布

使之詭從以自全遣頗拉淑求援於遼遼率眾出使

費摩呼實原作裴滿胡喜牽大紫驕馬以爲貳馬疾馳至陣

軍吏懼和諾克盛強皆無人色和哩布陽陽如平常

令士卒解甲少憩以水沃面調麩食之有頃軍勢復

振乃引英格手密語之曰今日之事若勝則已萬一
不勝吾必無生汝今介馬遙觀若我死汝勿收吾骨
勿顧戀親戚亟馬奔告於遼繫簪受印乞師以報此
讎語畢祖袖不被甲以組袍垂襦護前後心繫弓提
劍三揚旗三鳴鼓身爲先鋒突入敵陣眾從之遂大
勝自安巴不彎原作阿至於北陞何死者如仆麻摩多
圖水爲之盡赤仰天大呼今日之捷非天不能及此
亦可以知足矣乃縱使去卽引軍還和諾克薩克達
自此不復能聚各以其屬來降遼大安七年也初和
諾克兄弟之變博都哩原作不部布呼富察部薩克

蘇助之至是招之不來布呼之黨舒嚕

原作石魯遂殺布

呼來降自是舊部悉歸明年沃埒

原作部人博諾

乃孟復結烏春烏木罕舉兵頗拉淑與戰敗之獲博諾

以獻於遠拉必

原作臘醅瑪察

原作廉產侵掠野居女直略拉

林水牧馬和哩布擊之中四創久之疾愈拉必等復

略英格牧馬交結諸部乃復伐拉必等圍穆梭

原作暮梭

水克之盡獲古哩甸兵瑪察遁去遂擒拉必及頗克

綽歡皆獻之遠又恐諸部人疑懼爲亂復請以前後

所獻罪人還之旣而自將與罕都合兵圍烏木罕棄

城遁去大致俘獲師還寢疾遘大安八年五月十五

日卒襲位十九年母弟頗拉淑襲節度使烏古朮第

四子也是為肅宗遼重熙十一年壬午歲生在父兄

時號國相初雅達為國相雅達者和諾克薩克達之

父也景祖以幣馬求於雅達而命烏古朮為之金史參宏

簡錄大安八年自國相襲位是時瑪察尙據哲克依原作

直屋鎔水招之不聽遣烏雅舒伐之阿固達以別軍取

瑪察家屬無遺遂殺瑪察獻馘於遼屯原作陶溫水民來

附同

二年癸酉金史詳校云肅宗襲位始自稱元故變文書之遣阿固達以偏師

伐尼瑪哈原作泥部刷原作水穆哩罕原作林村伯

赫布爾噶

原作播立開

平之上

三年八月肅宗卒母弟英格烏古爾第五子也是為

穆宗南入稱揚割太師

同上

有巖版者生女真之酋也聚族帳最多其孫曰揚割頗能用其人遂稱強諸部與東海黃頭相攻十餘年

卒服屬之

謀夏錄

生遼重熙二十一年癸巳以擒瑪察功命為詳察

原作

祥大安十年甲戌襲位年四十二以兄和卓子薩哈

原作

撒改為國相三年丙子唐古部巴噶

原作

貝勒與溫

都部人巴圖

原作

撒貳相殺遣阿固達率師追殺巴圖錫

磬水赫舍哩

原作統石烈

部阿蘇

原作阿疎

穆都哩

原作暗祿

阻

兵爲難自將往伐薩哈以偏師攻通恩

原作鈍恩

城拔之

阿蘇初聞來伐乃自往訴於遼遂留和卓守阿蘇城

會屯水圖嚕庫

原作徒龍古

水赫舍哩部阿勒班

原作阿闊版

及舒嚕阿五國鷹路執殺遼捕鷹使者遼使討之阿

勒班等據險立柵方大寒乃募善射者操勁弓利矢

攻之數日入其城出遼使以歸圖門琿春

原作渾春

水之

交烏庫哩

原作烏古論

部塔克

原作留可卓多

原作詐都適與蘇伯

水烏庫哩達薩塔

原作烏古論敵庫德

并起兵穆嚕密斯罕

原作

米里迷

城訥格納

原作根涅

之子通恩亦亡去於是兩

黨作難乃用薩哈爲都統希卜蘇阿里罕

原作阿威里合慈

泰

原作幹帶

副之以伐塔克卓多烏塔

原作烏塔

等們圖琿

原作

護都訶

實圖美伐達薩塔通恩將援塔克乘們圖琿兵

未集而攻之既實圖美軍來會迎擊通恩大敗之降

穆魯密斯罕城獲通恩達薩塔釋弗殺攻破塔克城

盡殺其城中渠長還圍烏塔城烏塔已先亡在外城

降於軍卓多亦降於普嘉努

原作蒲家奴

於是撫甯諸路

如舊時阿固達因致英格之教於圖們琿春貢赫錫

馨四路及嶺東諸部自今勿復稱都部長命雙寬綽

哈

原作

等撫定伊勒呼

原作乞離骨

嶺綽滿

原作注

水之

西諸部居民又命威泰及偏裨悉平二額訥斯璉原作

涅囊二恩楚原作等路寇盜而還金史參

七年庚辰和卓尙守阿蘇城穆都哩來降阿蘇猶在

遼遼使使來罷兵未到英格使烏浚阿舒嚕往佐和

卓戒之曰遼使來可以計卻勿聽其言但換我軍衣

服旗幟與阿蘇城中同色令遼使不可辨復遣富察

部呼嚕原作貝勒密遜原作貝勒與俱至阿蘇城和

卓見遼使詭言我部族自相攻擊干汝等何事誰識

汝之太師乃援槍刺殺二貝勒所乘馬遼使驚駭竟

歸居數日破其城阿蘇復訴於遼遼遣奚節度使伊

里原作乙烈

來英格至拉林水興克

原作興和

村見伊里問阿

蘇城事徵英格馬數百匹凡攻城所獲存者復與之

不存者備償英格與僚佐謀若償阿蘇則諸部不復

可號令任使也乃令矩威

原作主限

圖塔

原作禿答

兩水之民

陽爲阻絕鴈路復使布古德

原作故德

部節度使言之

遼曰欲開鴈路非生女直節度使不可遼不知其謀

信之命英格往討而阿蘇城事遂止英格聲言平鴈

路敗於屯水而歸是歲埒克來降

同上

八年辛巳遼使使特賜物來賞平鴈路之有功者

金史

九年壬午使普嘉努以遼賜給矩威圖塔之民且修

鷹路而歸

金史

冬蕭哈里叛遼

遼書昌二年事

亡入女真阿克

占

原作阿典

部遣其族人烏達喇至女真約同舉兵盈格

執之會遼主命盈格討哈里盈格募兵得千餘人兄

子阿固達曰有此甲兵何事不可圖也

先此女真甲兵未嘗滿千

故遂次混同水與哈里遇時遼兵追哈里者數千不

能克盈格謂遼將曰退爾軍我當獨取哈里遼將許

之盈格使阿固達與哈里戰哈里中流矢墜馬阿固

達執而殺之大破其黨面哈里首獻於遼遼主大喜

錫予加等

通鑑輯覽七十九

遼大國舅帳蕭解里

案蕭解里即蕭哈里也

四郎君善騎豪俠

不羈嘗養亡命數十人從行往來遊獵於遼至東西
郡間一日獲罪遼國捕之甚峻卽嘯聚爲盜未旬日
間有眾二千餘攻陷乾顯等數州諸道發兵捕討累
戰不勝潛率眾奔生女真界就結揚割太師謀叛諸
軍追襲至境上不敢進具以聞北樞密院尋降宣劄
子付揚割一面圖之揚割逕延數月獨斬賊魁解里
首級造長子阿骨打獻遼餘悉不遺給云已誅絕矣
隨行婦女鞍馬器甲財物給散有功之人充賞遼不
得已反進揚割父子官爵自是揚割父子內恃有功

於遼陰懷異志吞併旁近部族或誣以誘納叛亡或詐云盜藏牛馬好則結親以和取之怒則加兵以強掠之力農積粟練兵牧馬多市金珠良馬歲時進奉賂遺權貴以通情好

契丹國志又謀夏錄所載略同賂遺權貴下有如此十餘年終

契丹道宗朝未有以發輯覽同一事而較詳故並載之

十年癸未二月遣遼遣使授有功官賞是歲高麗始

來通好

宏簡錄

女眞雖舊屬高麗不相通者久矣會高麗醫者至女眞還言於王曰女眞居黑水者部族日強兵益精悍

乃通使於女眞

通鑑輯覽

十月二十九日卒年五十一初諸部各有信牌用太祖議擅置者寘於法自是號令乃一民聽不疑自景祖以來兩世四主志業相因卒定離析一切治以本部法令東南至伊勒呼海蘭扎蘭扎卜古倫東北至五國矩威圖塔金蓋盛於此

金史
世紀

兄子烏雅舒乾統五年癸未襲節度使穆宗末年阿

蘇使德濟

原作
達紀

誘扇邊民海蘭甸人執送之穆宗使

碩碩歡

原作石
適歡

撫納海蘭甸未行穆宗卒至是遣焉

先是高麗通好旣而頗有隙高麗使來請議事使者至高麗拒而不納五水之民附於高麗執團練使十

四人上同

二年甲中高麗再來伐碩碩歡再破之高麗復請和

前所執團練十四人皆遣歸碩碩歡撫定邊民而還

蘇伯水民不聽命使威泰等至呼爾哈原作活川召

諸官條告諭之鴻觀原作舍國部蘇伯水齋沃赫原作貝

勒不至威準原作幹淮部哲爾德原作職德部既至復亡去威

泰遇二部於瑪奇原作馬紀嶺執之而來遂伐沃赫克之

威泰進至博齊赫原作北琴海攻拔歡塔原作泓武城乃還金

四年丙戌高麗遣黑歡方石來賀襲位遣博囉原作孟魯

報之高麗約還諸亡在彼者乃使阿古原作阿哈雙寬往

受之高麗背約殺二使築九城於海蘭甸以兵數萬

來攻烏色原作及幹賽魯大敗之亦築九城與相對高

麗約以還逋逃一人退九城之軍復所侵故地九月

乃罷兵金史參宏簡錄按東國通鑑睿宗文孝王四年十二月遣都官郎中李國瓊如遼奏

女真九城

七年己丑歲不登滅盜賊徵償賑貧乏者

十一年癸巳卒年五十三追諡康宗金史

節度使烏雅舒卒阿古達襲位為達貝勒原作都遼勃極烈

使愛錫拉布原作阿息保謂之曰何不告喪阿固達曰有

喪不能弔乃以為罪乎通鑑輯覽

赫舍哩阿蘇既奔遼穆宗取其域及其部眾不能歸

遂與族弟尼楚赫

原作銀尤可

薩里罕

原作薛里罕

陰結南江

居人歡塔博索

原作渾都僕速

欲俱亡入高麗事覺太祖使

瓜爾佳薩哈

原作夾谷撒喝

捕之而尼楚赫薩里罕先爲遼

戊所獲歡塔博索已亡去薩哈取其妻子而還二年

甲午六月太祖至江西遼使使來致襲節度之命

金史

遂主好畋獵怠於政事每歲遣使市名鷹於海上道

出生女眞使者貪縱徵索無藝女眞厭苦之烏雅舒

嘗以遼主不遣阿蘇爲辭稍拒其市鷹使者及阿固

達襲節度使相繼遣普嘉努實古納

原作習古迺

等索阿

蘇遼主終不許實古納歸具言遼主驕肆廢弛之狀
阿固達乃召其所屬告以伐遼之故使備衝要建城
堡修戎器以聽後命遼主使御史阿息保詰之阿固
達曰我小國也事大國不敢廢禮大國德澤不施而
逋逃是主以此字小能無望乎若還阿蘇朝貢如故
苟不獲已豈能束手受制也阿息保還遼主始爲備
命統軍蕭托卜嘉原作達不野調諸軍於甯江州阿固達
聞之使富卦喇原作僕聃刺復索阿蘇實觀其形勢富卦
喇還言遼兵多不知其數阿固達曰彼初調兵豈能
遽集如此復遣華沙布原作胡沙保往還言惟四院統軍

司與甯江州軍及渤海八百人耳阿固達曰果如吾

言謂諸將佐曰遼兵知我將舉兵集諸路軍備我我

必先發制之無爲人制眾皆曰善續資治通鑑號令諸部

使博勒和原作盧火徵伊蘭原作移懶路都古魯訥兵烏楊

古原作幹魯古阿魯撫諭幹原作忽集賽原作急兩路係遼

籍女直薩卜丹原作不迭往安圖原作完路執遼障鷹官

達魯噶原作魯古部副使色埒原作解甯江州渤海大嘉

努金史於是達魯噶部色爾衮原作里來告我部誰從

諭以吾舊與汝鄰境固當從我若畏遼人自往就之

錄
安簡

九月阿固達率兵進次寥晦城諸部兵皆會於拉林
水得二千五百人遂命諸將傳挺而誓至遼界遇渤
海軍耶律色實墜馬阿固達射殺之阿固達之子宗
幹與數騎陷遼圍中阿固達救之免胄戰或自傍射
之阿固達顧見射者一矢而斃謂其下曰盡敵而止
眾從之勇氣百倍遼軍大奔蹂踐死者十七八薩哈
在別部聞之使其子宗幹完顏希尹來賀勸其稱帝
阿固達曰一戰而勝遂稱大號何示人淺也進軍甯
江州填塹攻城甯江人自東門出邀擊盡殪之
宋元通鑑
初女真有戎器而無甲遼之近親有以眾叛間入其

境上爲女眞一酋說而擒之得甲首五百女眞賞其

酋爲阿盧里移賚

彼云第三箇官人亦呼爲相公

旣起師才有千騎

用其五百甲攻破甯江州

松漠紀聞

按契丹國志卽蕭解里叛歸女眞事

十月朔克其城獲防禦使大藥師努陰縱之使招諭

遼人鐵驪部來送款次拉林城以俘獲賜將士召渤

海梁福額特埒使之僞亡去招諭其鄉人曰女眞渤

海本同一家我興師伐罪不濫及無辜也使完顏羅

索

原作

招諭係遼籍女眞師還命諸路以三百戶爲

穆昆

原作

十穆昆爲明安

原作

綽哈

原作

等撫定成

默

原作

水女眞拜格

原作

會長和索哩

原作

以城

降金史

十一月遼都統蕭嘉哩原作糾里副都統托卜嘉將步騎

十萬會於鴨子河北太祖自將擊之未至會夜方就

枕若有扶其首者三竈而起曰神明警我也卽鳴鼓

舉燧而行黎明及河遼人方壞陵道選壯士千人金史

宏簡錄均作十輩擊走之因率眾繼進遂登岸與遼兵遇於

珠赫原作出河店會大風起塵埃蔽天乘風奮擊遼兵潰

遂至沃梭原作幹論深殺獲不可勝計遼人嘗言女眞兵

若滿萬則不可敵至是始滿萬云續通志參續資治通鑑

布呼原作僕虺等攻拔賓州烏舍楚古爾蘇原作兀惹來

降遼將實古爾戰於賓州布呼琿楚敗之鐵驪王和

勒博

原作同
高保

以所部降

宏簡
錄

遼圖哩

原作同
鐵驪部

奚部
族號

奚王和勒博

原作同
高保

叛降女真

遼東北諸部多叛降女真奚王和勒博總知東路兵

馬事亦率所部降之已而後逃歸於遼

通鑑
輯覽

烏達布

原作吾
覲補

芬徹

原作
蒲察

復敗實古爾蕭伊蘇

原作
乙錫

軍於祥州東幹琿集賽兩路降烏楞古敗遼軍於咸

州西斬統軍錫埒

原作
實叟

於陣完顏羅索克咸州

金史

楊朴爲女真建號因說曰自古英雄開國須受禪或

求大國封冊阿固達遂遣人契丹求封冊其事有十

天祚付羣臣議遂差靜江軍節度使蕭習泥烈翰林
學士楊勉充冊封使冊阿固達爲東懷皇帝至金國
阿固達大怒遣蕭習泥烈等同曰徽號國號玉輅御
寶我自有之須稱我大金國皇帝兄卽已天祚復請
和皆不報

遼史拾遺
引謀夏錄

乙未年春正月女眞完顏阿古達稱帝國號金阿古

達既屢勝遼其弟烏奇

原作烏奇

達率將佐勸稱帝阿

古達不許鄂蘭哈瑪爾

原作阿古達

等復言之阿古達乃

用楊朴策於正月朔卽皇帝位曰遼以寶鐵爲號取

其堅也寶鐵雖堅終以變壞惟金不變不壞金之色

白完顏色尙白况所居愛新水

原注卽今呼爾哈河唐時謂之忽汗河金

以後謂之金水河金國語以金爲愛新因又謂之金源

之上於是國號大金改

元收國

通鑑輯覽

太祖生於遼咸雍四年戊申秋七月以遼天慶五年

建國曰遼以鑛鐵爲國號鑛鐵雖堅剛終有銷壞惟

金赤色最爲奇寶自今本國可號大金

北盟會編引金國太祖實

錄

金主自將攻黃龍府進臨益州州人走保黃龍取其

餘民以歸遼遣行軍都統耶律鄂爾多

原作訛里朶

左副

統蕭伊蘇右副統耶律漳努

原作張奴

都監蕭色佛埒

原作

謝佛留騎二十萬步卒七十萬戍邊遼主率兵趨遼嚕

噶城次宵江州西金主登高望遼兵若連雲灌木狀

顧謂左右曰遼兵心貳而情怯雖多不足畏遂趨高

阜爲陣宗雄以右翼先馳遼左軍左軍卻右翼出其

陣後遼右軍皆力戰羅索尼楚赫衝其堅凡九陷陣

皆力戰而出宗幹請以中軍助之遼兵遂敗乘勝追

躡至其營會日已暮圍之黎明遼軍潰圍出逐北至

阿嚕原作阿叟岡遼步卒盡殫是役也遼人本欲屯田且

戰且守故金併得其耕具以給諸軍續資治通鑑

二月師還三月辛未朔獵於寥晦城四月遼耶律淳

努以國書來上以書辭慢侮留其五人獨遣漳努回

報書亦如之

金史

九月取遼黃龍府金主攻黃龍府次混同江水深無舟以渡使一人導前乘赭白馬徑涉曰視吾鞭所指而行諸軍隨之水及馬腹遂克黃龍府遣蕭齊喇還

告遼曰若歸我叛人阿蘇即當班師

通鑑輯覽北盟會編引亡遼錄

作天慶秋女眞陷東京黃龍府如咸信通韓春靖泰五十餘州遂又陷遼東長春兩路

冬十一月遼主自將親軍七十萬至圖們

原作馳門駙馬

蕭特默

原作特末

林牙蕭扎拉

原作查刺

等將騎兵五萬步卒

四十萬至沃樓濛金主自將禦之

續資治通鑑

金主行次

約羅

原作爰刺通鑑輯覽作鴨綠注云屯名在黃龍府東

與其臣謀曰遼兵號

七十萬其鋒不可當吾軍遠來人馬疲乏宜駐於此

深溝高壘以待之遣都古魯訥尼楚赫鎮達嚕噶

金史

參通鑑

輯覽

十二月丁未上以騎兵親候遼軍獲督餉者知遼主

以漳努叛西還二日矣是日上還至舒吉濼有光見

於矛端戊申諸將曰今遼主旣還可乘怠追擊之上

曰敵來不迎戰去而追之欲以此爲勇耶眾皆悚愧

願自効上復曰誠欲追敵約齎以往無事餽饋若破

敵何求不得眾皆奮躍追及遼主於呼岱巴

原作護步客

岡是役也兵止二萬上曰彼眾我寡兵不可分視其中軍最堅遼主必在焉敗其中軍可以得志使右翼先戰兵數交左翼合而攻之遼兵大潰我師馳之橫出其中遼師敗績死者相屬百餘里獲輿輦帟幄兵械軍資他寶物馬牛不可勝計

金史二

二年正月戊子詔曰自破遼兵四方來降者眾宜加優恤自今契丹奚漢渤海係遼籍女真室韋達魯噶烏舍

原作兀惹

鐵驪諸部官民已降或爲軍所俘獲逃遁

而還者勿以爲罪其部長仍官之且使從宜居處

同上

四月乙丑以幹魯統內外諸軍與芬徹都古嚕訥會

咸州路都統烏楞古討高永昌

同上

九月獵於近郊

續文獻通考

天輔元年正月古倫溫貝勒舍音以兵一萬取秦州

金史

二年三月庚子以羅索言黃龍府地僻且遠宜重戍

守乃命合諸路穆昆以羅索為萬戶鎮之

同上

七月癸未詔曰匹里水路完顏木里古博囉

原作水

路完顏珠勒呼

原作尤里古

渤海大嘉努等六穆昆民貧

乏可具登耗之數以聞丙申遼戶二百來歸處之秦

州詔遣阿里庫

原作阿里骨

理嘉努

原作李家奴

德勒台

原作特里

底招諭未降者仍詔達嚕噶部貝勒色埒凡降附新民善爲存撫來者各令從便安居給以官糧毋輒動

授宏簡錄

十月乙未咸州都統司言漢人李孝公渤海二哥率眾來降命各以所部爲千戶金史

三年五月壬戌詔咸州路都統司曰兵興以前哈斯

罕輝發

原作回怕

與係遼籍不係遼籍女真戶民有犯罪

流竄邊境或亡入於遼者本皆吾民遠在異境朕甚憫之今旣議和當行理索可明諭諸路千戶穆昆徧

與詢訪其官稱名氏地里具錄以上同

十一月高麗增築海蘭甸長城三尺詔呼嚕古原作胡刺

古錫馨慎固營壘宏簡錄

四年九月距威原作燭隈水部錫勒哈達原作實里古達等殺貝

勒綽哈布古德原作僕忽德以叛十月戊寅命幹魯分呼

嚕古烏春之兵以討錫勒哈達金史二

五年春正月幹魯敗錫勒哈達於哈達拉山誅首惡

四人餘悉撫定同上

二月分諸路明安穆昆之民萬戶屯泰州以博勒和

統之賜耕牛五十時代遼取泰州徙遼降人居之命

千戶穆昆宗雄按視泰州地土宗雄包其土來奏曰

其土如此可耕種也

續文獻通考

六年六月戊子朔上親征遼發自上京辛亥詔諭上

京官民曰今者親征欲由上京路進恐撫定新民驚

疑失業已出自登穆魯

原作篤密呂

其先降後叛逃入險

阻者詔後出首悉免其罪

金史二

七月上京漢人毛八十率二千餘戶降因命領之

宏簡

錄

十二月丙辰黃龍府仍附於遼宗輔討平之

續通鑑

以上京爲內地徙山西諸州民實之

續文獻通考

七年九月乙卯葬太祖於宮城西南之甯神殿

金史

太宗天會元年九月癸酉發春州粟振降人之徙於

上京者

金史三

十月己亥上京慶元寺僧獻佛骨卻之同上

二年二月丁酉命徙伊蘭路達貝勒完顏忠於蘇伯

水三月辛巳命置驛上京春泰之間四月戊午賜上

京新築城名會平州乙亥詔贖上京路新遷甯江州

戶口賣身者六百餘人

安簡錄

五月乙巳海蘭路軍帥完顏呼魯古

原作忽刺古

等言往

者歲捕海狗海東青鴉鵲於高麗之境近以二舟往

高麗乃盡殺二舟之人帝曰以小故起戰爭甚非所

宜今後非命母輒往續通志

海蘭伊勒呼水霖雨害稼且為蝗所食秋泰州潦害

稼續文獻通考

九月二十七日丙子宋使馬政等至女真所居阿芝

川滾流河北盟會編

十月甲子泰州潦發甯江州粟以振之續通鑑

是年為遼天祚帝保大四年天祚被俘降封海濱王

差兵護送長白山東茅齋自敘作築城居之亡遼錄按史獲

天祚在天會三年契丹國志送長白山東築室居之踰年己巳而殂與亡遼錄同是二年事也從之

五年九月丁未詔以內地諸路每耕牛一具賦粟五

斗以備歛歲

續通志

六年冬伊蘭路饑

續文獻通考

七年十一月庚戌徙哈斯罕都統司治會甯州

金史會字

據金史詳校加

八年七月辛亥詔給泰州都統博勒和所部諸穆昆

甲冑各五十同上

八月丁卯徙昏德公重昏侯於呼爾哈路

續通志

九年正月戊申命籍圖們水以西和搏

原作渾

錫馨珊

沁

原作倮

三水以北閑田給海蘭路諸穆昆

宏簡錄

十一月己未遷趙氏疎屬五百餘人於上京

續通鑑

十年二月庚午賑上京路戍邊之民

續通鑑

四月庚寅以鴨綠混同江暴漲命賑徙邊戍戶之在

混同江者

續通鑑

七月甲午振泰州路戍邊戶

宏簡錄

八月甲申黃龍府置錢帛司

續文獻通考

十一年十二月癸未振伊蘭海蘭路饑

續文獻通考

熙宗天會十三年肇州置錢帛司

金史詳校

乃顏之党哈丹收散卒眾號十萬脅掠水達達女真

之地隔入我疆

益齋集

天眷元年二月壬戌上如約羅

有混同江行宮

春水己巳詔

罷拉林水混同江護邏地與民耕牧

續文獻通考

七月丁酉按春

原作按出許

河水溢壞廬舍民多溺死

金史

八月以京師爲上京府曰會甯舊上京爲北京

續通鑑

九月甲申朔以爽爲會甯收封鄧王

金史

二年以黃龍府爲濟州軍曰利涉

續文獻通考

七月庚子捕魚混同江

續通鑑

皇純二年正月己亥上獵於拉林河丁未上至自拉

林河

金史

五年二月乙未次濟州春水

宏簡錄

六年正月乙亥畋於梅棧

原作謀勒

壬辰如春水四月庚

子朔至自春水

金史

三月己亥以上京宮室太狹是月始役五路工匠撤

而新之

續通鑑

七年冬十一月復歸上京

續通鑑

九年五月戊子曲赦上京囚

金史

海陵王天德二年十二月癸丑立太祖射碑於赫舍

哩部中

四年二月戊子次泰州

續通鑑

十一月辛丑買珠於烏爾古德喀勒部及扶餘路禁

百姓私相貿易仍調兩路民採珠

續通志

貞元元年春三月改會賓府爲北京

續通鑑

閏十二月有司奏建社稷壇於上京並定社稷制度

續文獻通考

三年五月乙卯命判大宗正事京等如上京奉遷太

祖太宗梓宮六月乙未命右丞相思恭大宗正丞胡

拔魯如上京奉遷德宗梓宮

宏簡錄

正隆元年七月己酉命太保昂如上京奉遷始祖以

下梓宮

金史

二年八月甲寅罷上京留守司

十月命吏部郎中蕭彥良盡毀上京宮殿宗廟大族

邸第及儲慶寺夷其址耕墾之

續文獻通考

亮初刷國中女真五國烏熟鐵黎渤海契丹漢兒軍
自備衣甲鞍馬弓箭刀槍軍需餼糧車牛奴婢遠來
沿邊道途艱辛不肯前行皆共謀曰帝遠犯南朝未
知勝負不若從此就近徑往東京與渤海酋豪冊立

葛王爲主

金史詳校引神麓記

世宗大定元年會甯呼爾哈率賓

原作速頻

等路南伐諸

軍會尙書省奏請以從軍來者補諸局司承應人及
官吏闕員上曰舊人南征者卽還何以處之必不可

闕者量用新人可也

金史

二年正月甲午命咸平濟州軍三萬入屯京師二月
庚寅詔平章政事伊喇元宜泰州路規措邊事秋七
月丁巳率賓軍士珠勒呼等誣完顏默音子色克寄
書其父謀反帝覽書曰誣也珠勒呼伏誅

續通志

壬戌詔發濟州會甯府軍在京師者以五千人赴北
京都統府十二月詔會甯府國家興王之地宜就慶
元宮址建正殿九間仍其舊號以時薦享

續文獻通考

是歲始許民以米易鹽初遼金故地濱海多產鹽上
京東北二路食肇州鹽率賓路食海鹽皆足以食境
內之民嘗征其稅至是詔轉運副使梁肅移牒肇州

等處許民以米易鹽兵民皆得其利

續文獻通考

三年三月丙申詔臨潢漢民逐食於會甯府濟信等

州

宏簡錄

五年與宋通好留率賓呼爾哈會甯咸平等路軍內

揀取秦州海蘭路並行放還

續文獻通考

會甯府太祖廟成有司言宜以御容安置詔以便服

容一遣官奉安

續文獻通考

九年七月乙卯朔罷東北路採珠

宏簡錄

十二月丙戌振泰州諸明安民

金史

十二年罷上京路會甯府歲貢秦王魚

續文獻通考

十三年七月庚子復以會甯府爲上京金史

十七年遷西南西北招討司契丹餘黨於上京續文獻通考

考

十八年四月命泰州所管諸明安遇豐年多和糴續文獻通考

獻通考

二十年以上京路女真人戶規避物力自賣其奴婢

致耕田者少遂以貧乏詔定制禁之續文獻通考

二十一年五月戊申增築泰州臨潢府等路邊堡及

屋宇宏簡錄

二十三年七月命推排上京諸路牛具數帝慮版籍

歲久貧富不同明安穆昆又皆少年不練時事一旦
軍興按籍徵之必有不均之患乃令驗實推排續文獻通考

二十四年二月癸酉上曰朕將往上京念本朝風俗
重端午節比及端午到上京則燕勞鄉閭宗室父老

四月乙酉觀魚於混同江金史

五月乙丑至上京居於光興宮庚寅朝謁慶元宮戊
戌宴於皇武殿賜諸王妃主宰執百官命婦各有差
宗戚皆霑醉起舞竟日乃罷續通鑑

六月辛酉幸按春水臨漪亭壬戌閱馬於綠野淀金史

七月乙未謂宰臣曰巡狩所至當舉善罰惡凡有孝悌睦姻者舉用之無行者教戒之不悛則加懲罰丙

午獵於郭野淀

續通鑑

七月罷會甯所屬鹽引添竈戶時帝在上京謂丞相烏庫哩元忠等曰會甯尹富察通言其地明安穆昆戶甚艱舊率賓以東食海鹽呼爾哈等路食肇州鹽初定額萬貫今增至二萬七千若罷引添竈戶庶可易得元忠對曰已遣使咸平以東規畫矣帝曰不須待此宜急爲之

續文獻通考

八月乙亥詔免上京今年市稅十月丁卯獵於近郊

十一月辛卯還宮甲午詔有司報諭宋與高麗夏國

上京天寒地遠正生日並不須遣使

續通志

十一月丙午尙書省奏徙率賓呼爾哈三明安二十四穆昆以實上京刷和倫之地廣而腴遣刑部尙書烏哩貢出府庫錢以濟行資牛畜遷速頻

一明安呼爾哈二明安二十四穆昆以實之

續文獻通考

十二月丙辰獵於近郊己卯還宮

金史

二十五年春正月丁亥宴如嬪親王公主文武從官於光德殿宗室宗婦及五品以上命婦與坐者千七

百餘賞賚有差

續通鑑

二月丁丑如春水四月己未至自春水癸亥幸皇武

殿擊毬許士民縱觀

金史

甲子詔於率賓呼爾哈兩路明安下選三十穆昆爲

三明安移置於刷達巴罕

原作率
督畔窟

之地以實上京王

申曲赦會甯府仍放免今年租稅百姓年七十以上

者補一官甲戌以會甯府官一人兼大宗正丞以治

宗室之政

續通
鑑

丁丑宴宗室宗婦於皇武殿大功親賜官三階小功

二階總麻一階年高屬近者加宣武將軍及封宗女

賜銀絹各有差羣臣宗戚捧觴上壽皆稱萬歲己卯

發上京

續通志

五月癸卯遣使於泰州勸農

續通志

十月甲子禁止上京等路大雪及含胎時採捕

是年罷上京會甯府貢豬二萬

二十六年六月癸亥尙書省奏率賓呼爾哈世襲穆昆事上曰其人皆勇悍昔世祖與之鄰苦戰累年僅能克復其後乍服乍叛至穆康時始服聲教近世亦嘗分徙朕欲稍遷其民上京實國家長久之計也

宏簡錄

二十七年五月壬子詔罷海蘭路所進海慈及太府

監日進時果曰慈果應用幾何徒勞人耳

金史

命改設麴課聽民酤初二十四年帝在上京會甯尹

富察通請罷上京酒務令民自造以輸稅未許二十

六年帝以上京酒味不嘉欲如中都麴院取課庶使

民得美酒至是遂有是命

續文獻通考

章宗明昌三年十月命上京置常平倉

續文獻通考

四年十月罷上京常平倉

續文獻通考

九月甲申命上京等九路選軍俟來春調發

續通志

承安元年十一月庚寅特們

原作特滿

羣牧契丹圖卜蘇

原作德壽反泰州軍敗之

金史

二年九月壬寅遣官分詣上京咸平等路招募漢軍

不足則簽補之

續通志

三年春正月丁巳併上京東京兩路提刑司爲一提

刑使副兼安撫使副安撫專掌教習武事毋令改其

本俗

金史

太和二年十二月丁卯以皇子生遣使報謝於長白

山上

六年諸路復行小鈔遼東則於上京咸平官庫易錢

續文獻通考

八年八月從遼東按察使楊雲翼言以咸平東京兩

路商旅所集遂從都南例一貫以上皆用交鈔不得

用錢

續文獻通考

夏四月甲寅以北邊無事敕尙書省命東北路招討

司還治泰州

金史

十二月丁未敕諭臨潢泰州路兵馬都總管承裔等

修邊備

同上

宣宗貞祐初耶律瑤格聚眾隆安金人討之爲所敗

盡有遼東州郡稱遼王都於咸平

方輿紀要

金主遣宣撫萬努領軍四十萬攻瑤格逆戰於歸仁

縣北河上金兵大潰萬努收散卒奔遼東

元史一百四十九

興定元年四月己未以權遼東路宣撫使富察烏錦

權參知政事行尙書省元帥府於上京

續通志

元太祖七年壬申春正月故遼人耶律瑠格聚眾隆

安自爲都元帥遣使來附

續通志

太祖起兵朔方金人疑遼遺民有他志瑠格不自安

歲壬申遁至隆安韓州剽掠其地數月眾至十餘萬

太祖命接陳諾延呼塔噶行軍至遼遇之問所從來

曰將往附大國接陳曰我奉命討女真適與爾遇豈

非天乎

元史一百四十九

八年癸酉春耶律瑠格自立爲遼王改元元統

同上

元太祖舉兵攻金有契丹遣種金山王子金始王子
自稱大遼收國王元大舉伐之二王子席捲而東闌
入我疆元遣元帥哈真等與東真國將完顏子淵來
討賊莫能支奔還女真地時賊在咸平與我比境雞
犬之聲相聞

益齊集 朝鮮史略入女真
地得女真兵長驅復來寇

太宗五年癸巳秋九月塔斯從皇子貴由東征擒金
咸平宣撫完顏萬努於遼東萬努金內族自乙亥歲
聚眾保東海號東夏至是平之凡十九年而滅

元史
一百

十九參方
輿紀要

九年立遼陽鹽課初命北京路徵收課稅所立隨車

隨引載鹽之法每鹽一石價銀七錢半至癸卯年合

蘭路歲辦課白布二千疋恤品路一千疋續文獻通考十九

世祖中統二年秋八月辛丑賈文備爲開元女直碩

達勒達原作木達達等處宣撫使元史

九月癸未改開元路隸北京元史類編

冬十一月壬申罷十路宣撫司止存開元路續通鑑

三年夏六月乙丑割遼河以東隸開元路元史類編

四年夏四月己未罷開元路宣撫司元史

至元三年春二月甲申復立東京開元率賓原作海

蘭等路宣撫司元史類編

四年春正月戊午立開元等路轉運司元史

十二月簽女直碩達勒達軍三千人續文獻通考

六年春二月丁丑開元等路饑減戶賦布二疋秋稅

減半碩達勒達戶減青鼠二其租稅被災者免徵免

單丁貧乏軍士一千九百餘戶為民元史

七年秋七月乙丑以遼東開元總管府兼本路轉運

司事元史類編

八年秋七月壬戌以扎瑪里鼎為提點簽女直碩達

勒達軍元史

九年秋七月丁巳拘括開元東京等路諸漏籍戶賑

碩達勒達部饑

元史

十一年春三月庚寅敕鳳州經略使實都高麗軍民
總管洪察球爾等將屯田軍及女直軍並水軍合萬
五千人戰船大小合九百艘征日本

元史

十三年夏四月戊辰以河南兵事未息開元路民饑
並弛正月五月屠殺之禁

續通志

庚辰以碩達勒達分地歲輸皮革自今並入上都

元史

續文獻通考
作十三年

秋七月丙午改開元宣撫司爲宣慰司

元史

十五年春正月壬寅弛女直碩達勒達酒禁

續文獻通考

十六年秋九月乙巳朔詔女直碩達勒達軍不出征

者令隸民籍輸賦

續通志

十七年咸平路蝗

續文獻通考

冬十月甲戌遣使括開元等路軍三千征日本

續通志

十八年秋八月壬辰以開元等路六驛饑命給幣帛

萬二千疋民鬻妻子者官爲贖之

元史

十九年冬十月丁未女直陸實自請造船運糧赴鬼

國贈軍從之

元史

二十年夏五月丙子立海西遼東提刑按察司按治

女直碩達勒達部

元史類編

八月甲子遣軍六千人淘金雙城

元史類編續通志
係二十一年命伊

燕岱爾所部六十人淘金雙城

冬十二月癸卯發粟振碩達勒達四十九站戊申給

布萬疋振女直饑民一千戶

元史

二十一年夏四月戊申命開元等路宣慰司造船百

艘付狗國戍軍

續通志

二十二年夏六月庚戌命女直碩達勒達造船二百

艘及造征日本迎風船

續資治通鑑

冬十月塔海弟陸實言百姓及諸役下民俱令造船

於女直而女直復發爲軍工役繁甚

元史

二十三年春二月乙巳廷議以東北諸王所部雜居其間宣慰司望輕罷山北遼東道開元等路宣慰司立東京等處行中書省以庫庫尼敦爲左丞相遼東

宣慰使達春右丞

元史 按元史類編省治咸平

秋七月復咸平宣慰司

續文獻通考

冬十二月乙未遼東開元饑振糧三月

元史

二十四年春正月丁亥弛女直碩達勒達連地弓矢之

禁

續文獻通考

閏二月癸亥以女直碩達勒達連歲饑荒移粟振之

仍免今年公賦及減所輸皮布之半

元史

夏六月乙丑諸王蘇都爾

原作失
都兒

所部特爾格

原作
鐵哥

率其黨取咸平府

元史

秋七月癸巳納延黨蘇特爾犯咸平宣慰達春從皇

子阿雅噶齊合兵出瀋州進討宣慰伊爾蘇克分兵

趣懿州其黨悉平

續通志

九月戊申咸平懿州北京以納延叛民廢耕作又霜

雹爲災告饑詔以海運糧五萬石振之

續資治通鑑

二十五年春二月壬戌省遼東海西道提刑按察司

入北京

元史

八月以咸平府經兵亂發瀋州倉振之

續文獻通考

二十六年春二月哈坦兵寇呼嚕口開元路治中烏

延雅勒呼破之

續通志

六月庚申諸王奈曼岱敗哈坦兵於托果琳河

續通志

二十七年春正月丙寅命高麗國發耽羅戍兵討哈

坦餘寇

續通志

二月戊寅開元路饒

續文獻通考

夏五月乙巳哈坦寇開元

元史

九月己巳平章政事實喇特穆爾帥師與哈坦戰於

烏法大破之

續通志

十二月乙未摘蒙古軍萬人戍雙城及博索府以防

合丹兵

元史類編

二十八年春二月辛未遣官覆驗碩達勒達咸平貧

民振之

元史

冬十月辛卯詔給蒙古人內附者及開元南京碩達

勒達等三萬人牛畜田器

續文獻通考

二十九年夏五月甲午遼陽碩達勒達女直饑詔呼

圖克布哈

原作忽都不花

趣海運給之

元史

閏六月丁酉開元等路雹害稼免田租七萬七千九

百八十八石

秋九月壬午碩達勒達女直民戶由反地驅出者押

同本地分置萬夫千夫百夫內屯田元史

十月以蠻軍女直戶為咸平府立蒲峪路屯田萬戶

府續文獻通考

三十年春正月庚午給尼奇哩女真牛價農具續通志

冬十二月辛卯武平路達魯噶齊塔海言女直地至

今未定賊一人入境百姓離散臣願往安集之詔以

塔海為遼東道宣慰使元史

于楚勒罕拉林等處立屯續文獻通考

成宗元貞二年七月肇州萬戶府立屯田給以農具

種食以納顏布勒噶齊及打魚碩達勒達女直等戶

於肇州旁近地開種

續文獻通考

十二月開元路旱

續文獻通考

大德三年四月遼東開元咸平蒙古女直人乏食以

糧二萬五百石布三千九百疋振之

續文獻通考

四年十一月罷遼陽省所轄狗站牛站爲一

續通志

七年開元路雨水壞田廬

元史

秋七月丙子罷遼東宣慰司

元史

仁宗皇慶元年春三月省女直碩達勒達萬戶府冗

員

元史

六月碩達勒達路水松阿哩江溢民避居伊瑪音爾

嶺開元路風雹害稼

續文獻通考

延祐二年夏五月庚午立海西遼東騰坊萬戶府隸

中政院

續通志

五年開元路水

續文獻通考

七年夏六月壬辰罷女直萬戶府及狗站

英宗本紀延祐七年八月丁卯脫思馬部宣慰使亦

憐眞坐違制不發兵杖流奴兒干之地

至治元年二月丁巳李謙亨竄於奴兒干地三月己

亥宦者孛羅鐵木兒坐罪流奴兒干地

五月壬寅開元路霖雨傷稼

秋七月壬申開元等路大水以上元史

三年正月征東摩濟地沃濟以貂鼠水獺海狗皮來

獻詔存恤三歲元史類編

泰定帝本紀至治三年八月癸巳卽位十二月癸未

流諸王曲呂不花於奴兒干元史

泰定二年夏六月丙午碩達勒達路饑振糧一月元史

秋九月壬戌開元路三河溢沒民田壞廬舍元史

致和元年六月開元路水續文獻通考

文宗天歷二年夏五月丁巳碩達勒達路烏蘇果勒

千戶所大水元史

至順元年春二月己丑開元路呼爾哈萬戶府軍士
饑給糧振之

夏五月戊辰開元路呼爾哈萬戶府軍士饑各振糧
二月

秋七月開元路旱

續文獻
通考

九月丁未遼陽行省碩達勒達路自去夏霖雨黑龍
松阿哩二江水溢民無魚爲食至是邁拉遜一十五
狗驛狗多餓死振糧兩月狗死者給鈔補市之

元史

順帝元統二年夏六月乙酉開元瀋陽懿州水旱蝗
大饑詔以鈔二萬錠遣官振之

元史

至正三年遼陽窩濟人及碩達勒達皆叛

元史類編

六年夏四月壬子遼陽爲捕海東青煩擾沃濟野人及碩達勒達皆叛萬戶邁珠等討之遇害詔恤其家

續通鑑

七年夏四月辛巳以通政院使都蘭格爾爲遼陽行

省參知政事討沃濟野人

續通志

八年三月遼東薩古納反詐稱大金子孫碩達勒達

托克托和斯唐古和爾果斯討擒之

續通志

十年夏四月庚子罷海西遼東道巡防捕盜所立鎮

甯州

元史

明太祖洪武二十年夏六月馮勝至金山納克楚降
初元太尉納克楚擁眾數十萬屯金山數侵遼東帝
以勝爲大將軍征之復遣前所獲之元將孛喇固北
還勝帥師趨金山孛喇固至松花河納克楚見之大
驚勝深入至女直苦屯納克楚度不敵乃降初納克
楚分兵爲三營一曰榆林深處一曰養鷺莊一曰龍
安伊圖河畜牧蕃盛及爲大軍行所偏因請降將士
妻子十餘萬在松花河北凡二十餘萬人所獲輜重
馬畜五百餘里還至亦迷河復收其殘卒二萬餘

通鑑

二十二年夏五月置福餘三衛

原注今科爾沁郭爾羅斯杜爾伯特等部

爲福餘衛故地通鑑輯覽

二十六年六月遼東都指揮使司奏朝鮮國招引女

直五百餘人潛渡鴨綠江欲入寇

明史三百二十三

成祖永樂元年窩集部長錫揚哈舒什哈進馬置窩

集衛以錫揚哈爲指揮舒什哈爲指揮同知

滿洲源流考引

明實錄以下同

是年野人酋長來朝已而建州海西悉境

歸附

博物典彙

二年置窩集左衛以部長托克托和爲指揮同知

置窩集右衛以部長諾海爲指揮同知 置窩集後

衛以部長徹伯爾爲指揮同知 十月置窩集屯河
所以歡塔等爲千百戶

三年置薩里衛以巴蘭等處部人茂義等爲指揮僉
事

四年正月置喀爾岱所以巴圖布哈爲千百戶 置
塔山衛以部長達拉齊爲指揮 置達喜穆魯衛衛
爲業赫國地部長祝孔額嘗授達喜穆魯衛都督僉
事 二月置額音楚衛以部長多羅爲指揮 三月
置吉河衛以部人速魯棟阿爲指揮 七月因溫托
琿等處部人吉里納入朝置雙城等五衛 八月烏

拉等處部人奇爾彛紐爾等來朝置烏拉伊爾托漠
費森四衛 置塞珠倫衛以部人彛爾布哈爲指揮
五年正月又置塞珠倫河衛 置穆楞河衛又以部
人納尼爲指揮 五月置齊努渾等十二衛以部人
圖成阿等爲指揮等官 九月置肥河衛以圖河錫
勒們山等處人爲指揮等官 十月置穆陳衛與布
爾堪衛同置以部人與齊布哈等爲指揮 十二月
烏拉原作吾蘭等處部人和索哩成格奇納等來朝置穆
勒肯山衛於揆里之地 十二月以部人迪陞格爲
指揮 置庚吉音河等五衛以部人克成額爲指

揮

六年正月置推屯河衛以部人伯辰等爲指揮 二
月置費克圖河衛以部人嘉凌阿和托爲指揮 三
月置瑚爾哈河衛以訥訥赫等處部人博素 爲指
揮 置特林河衛以部人特穆爾等爲指揮 四月
置富勒堅衛以尼嚕罕部人瑚爾都訥爲指揮 五
月改瑚爾哈衛爲福題希衛以部人達實爲指揮
置奇穆尼衛以瑚爾穆地部人薩敦爲指揮

八年二月置庫梭河舒藩尼滿河等三衛以納哈等
十九人爲指揮等官 置費雅河衛以部人圖拉等

爲指揮 十月置希禪河衛以部人選塔努爲指揮
僉事

九年二月置畢瞻河衛以部人瑪吉尼爲指揮

十二年三月置布爾噶圖河衛以部人伊能額爲指
揮 置噶海河衛以部人廣佑等爲指揮 十二月
置寶爾固宸衛以部人萬達爲指揮

十三年十月置扎津衛以部人吉當阿爲指揮同知
置呼錫哈哩衛以部人呼塔斯爲指揮同知 置
珠敦河衛以部人章嘉爲指揮同知

十四年八月置吉潭河衛以部人雅蘇爲指揮同知

屬朔爾哈福題希衛

宣德九年泰甯拙赤等拘肥河衛使人殺之肥河衛
頭目別里格與戰於格魯坤迭連拙赤大敗建州亦
出兵攻之三衛大困

明史三百二十八

正統三年先是建州長童倉避居朝鮮界已復還建
州朝鮮言昔以窮歸臣臣遇之善今負恩還建州李
滿住所慮其同謀擾邊建州長言所部爲朝鮮追殺
阻留一百七十餘家

十三年冬命使調發朝鮮及野人女直兵會遼東征
北寇

景泰元年遼東奏報開原瀋陽有寇入境掠人畜係建州海西野人女直頭目李滿住爲嚮導

天順三年邊將奏有建州三衛都督私與朝鮮結恐爲中國患因敕瑑毋作不靖貽後悔瑑疏辨復諭曰宣德正統年間以王國與彼互相侵掠敕解怨息兵初不令交通結賞授官也彼旣受朝廷官職王又加之是與朝廷抗也王素秉禮義何爾文過飾非後宜絕私交以全令譽

四年復諭瑑曰王奏毛憐衛都督耶卜兒哈通謀煽亂已置之法夫法止可行於國中豈得加於鄰境耶

卜兒哈有罪宜奏朝廷區處今輒行殺害何怪其子
阿比車之思復讎也聞阿比車之母尙在宜急送遼
東都司令阿比車領回以解讎怨

五年建州衛野人至義州殺掠琰奏乞朝命還所掠
兵部議朝鮮先嘗誘殺郎卜兒哈繼又誘致都指揮
兀克縱兵掠其家屬今野人實係復讎宜諭朝鮮寇
盜之來皆自取惟守分安法庶弭邊釁從之

成化元年三衛頭目朶羅干東合海西兵入塞

成化三年是時朝廷用兵在建州敕琰助兵進剿琰
遣中樞府知事康純統眾萬餘渡鴨綠潑瀕二江攻

破九獮府諸寨斬獲甚多

以上明史
三百二十

卷之三

三